



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
**o sufinansiranju kulturne manifestacije od posebnog interesa za Grad Sarajevo**  
**12. Balet Fest Sarajevo 2021**  
**(prijedlog)**

**Predlagač: Gradonačelnica**  
**Obrađivač: Gradska služba za obrazovanje,**  
**kulturu, sport i mlade**

**Sarajevo, juni 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo („Službene novine Kantona Sarajevo“, broj 10/19), Gradsko vijeće Grada Sarajeva, na sjednici od \_\_.\_\_.2021. godine, donosi:

(prijedlog)

**ODLUKU**  
**o sufinansiranju kulturne manifestacije od posebnog interesa za Grad Sarajevo**  
**12. Balet Fest Sarajevo 2021**

**Član 1.**

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 12. Balet Fest Sarajevo 2021, koja će se održati u periodu od 17.09. – 29.09.2021. godine, uz finansijske obaveze Grada Sarajeva u ukupnom iznosu od 22.000,00 KM.

**Član 2.**

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

**Član 3.**

Sredstva se odobravaju iz Budžeta Grada Sarajeva za 2021. godinu („Službene novine Kantona Sarajevo“, broj 2/21), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

**Član 4.**

Gradonačelnica Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

**Član 5.**

Za realizaciju ove Odluke zadužuje se gradonačelnica Grada Sarajeva.

**Član 6.**

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALAČI GRADSKOG VIJEĆA**  
**GRADA SARAJEVA**

**Jasmin Ademović**

**Broj:**  
**Sarajevo, \_\_.\_\_. 2021. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

### **RAZLOZI DONOŠENJA**

Udruženje za razvoj kulture i umjetnosti „Baleti“ Sarajevo uputilo je Gradskoj upravi Grada Sarajeva zahtjev za sufinansiranje manifestacije 12. Balet Fest Sarajevo 2021., zaprimljen pod brojem 09-11-3046/20 od 19.05.2021. godine, koja će se održati u periodu od 17.09. – 29.09.2021. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 23.06.2021. godine razmotrio prijedlog nadležne Službe te shodno valjanosti, značaju i kvalitetu ponuđenog programa, svoje mišljenje, kao i prijedlog visine dodjele sredstava uputio na daljnju proceduru.

U okviru 12. Balet Festa Sarajevo 2021 planirano je gostovanje brojnih internacionalnih baletskih umjetnika, kao i bh. baletnih umjetnika sa jednom osnovnom idejom i ciljem, a to je unaprjeđenje i predstavljanje baletne umjetnosti u najboljem svjetlu. 12. izdanje Balet Fest-a programski će se održati na nekoliko lokacija uživo i u online formatu. Program je stilski raznovrstan, a publika će imati priliku pogledati vrhunske umjetnike i ostvarenja kao što su Nacionalna opera i balet iz Bukurešta (Rumunija) koji će izvesti „Peer Gunt“ i „Carmina Burana“, Ekaterinburg (Ruska Federacija) i „Dance teather“, HNK Split koji će online predstaviti „Baletnu gala večer“, Bitez Dance Company iz Beograda (Srbija) i baletnu predstavu „Izgubljeni pejzaži“ te Teatar Dankan (Banja Luka). U Narodnom pozorištu Sarajevo bit će upriličen „Baletni koncert“. Također, programom su predviđene izložba „Prvaci baleta NPS Katarina Kotzika i Antun Marinić – Veliki format i Konferencija (okrugli stol) na istu temu. Realizacijom ovog projekta, između ostalog, doprinosi se promociji kulture plesa, kao i ostvarenju novih dostignuća u baletnoj umjetnosti, školovanju baletnih umjetnika i usavršavanju.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

### **FINANSIJSKA SREDSTVA**

Finansijska sredstva za realizaciju ove Odluke obezbijedena su u Budžetu Grada Sarajeva za 2021. godinu.